

სსიპ „ბავშვთა და ახალგაზრდობის ეროვნული ცენტრი“



დასუფთავება და სანიტარული ღონისძიებების მომსახურების სახელმწიფო
შესყიდვის შესახებ
გამარტივებული ელექტრონული ტენდერის
სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე.

2012 წელი

ქ. თბილისი

სარჩევი

1. ინსტრუქტაჟი გამარტივებულ ელექტრონულ ტენდერში მონაწილეობის მისაღებად (სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანება) -----3 გვ.
2. შესყიდვის ობიექტის ტექნიკური დავალება ----- 4 გვ.
3. ინფორმაცია ტენდერში მონაწილეთათვის ----- 5 გვ.
4. დანართი №1 ----- 6 გვ.
5. სახელმწიფო შესყიდვის შესახებ ხელშეკრულების პროექტი ----- 7 გვ.
6. დანართი №2 აფიდავიტის ფორმა ----- 12 გვ.

ინსტრუქტაჟი

ელექტრონულ ტენდერში მონაწილეობის მისაღებად

იხ. სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანება „გამარტივებული შესყიდვის, გამარტივებული ელექტრონული ტენდერის და ელექტრონული ტენდერის წესის დამტკიცების შესახებ“ სახელმწიფო შესყიდვების სააგენტოს ოფიციალურ ვებგვერდზე www.procurement.gov.ge

გამარტივებულ ელექტრონულ ტენდერში გამოიყენება ელექტრონული გარანტია, რომლის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს. ელექტრონული გარანტიის მოქმედების ვადა უნდა განისაზღვროს არანაკლებ ოცდაათი კალენდარული დღით “გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპიდან.

შესყიდვის ობიექტი და ტექნიკური დავალება

1. შესყიდვის ობიექტი მოიცავს საქართველოს სპორტისა და ახალგაზრდობის საქმეთა სამინისტროს სსიპ „ბავშვთა და ახალგაზრდობის ეროვნული ცენტრის“ მიერ გამარტივებული ელექტრონული ტენდერის საშუალებით ქ. ანაკლიის „პატრიოტთა“ ბანაკის კომპლექსის, კერძოდ საცხოვრებელი კოტეჯების (კორპუსი), ტრენინგ ცენტრის, სამზარეულოს, ადმინისტრაციული კოტეჯის, ეზოს დასუფთავების და სანიტარული ღონისძიების მომსახურების შესყიდვას, შემდეგი ტექნიკური მახასიათებლების შესაბამისად:

ტექნიკური მახასიათებლები -

ქ. ანაკლიის „პატრიოტთა“ ბანაკის მოვლა-დასუფთავება: შენობა-ნაგებობების შიდა ფართი-3773მ², ბანაკის მიმდებარე ტერიტორია (ეზო, ბულვარი და სხვა)-15100მ², სველი წერტილების ფართი-352მ², ფანჯრების და ვიტრაჟების საერთო ფართი-1100მ².

- დალაგება დასუფთავებისათვის საჭირო მომსახურე პერსონალი მიმწოდებლის მიერ უზრუნველყოფილი უნდა იყოს სპეც. ფორმებით, აღჭურვილობით, ინვენტარით და სახარჯი მასალით;
- **შენობა-ნაგებობების შიდა ფართი** (იატაკის მოწმენდა, მტვრის მოშორება სხვადასხვა ჰორიზონტალური და ვერტიკალური ზედაპირებიდან, ურნების გათავისუფლება, ავეჯის წმენდა, ტექნიკისა და სხვა საყოფაცხოვრებო ინვენტარის წმენდა და ა.შ. სპეციალური საწმენდი საშუალებებით) და **ბანაკის მიმდებარე ტერიტორია ეზო, ბულვარი და სხვა** (დაგვა, მორწყვა, სკამების და სანათების დასუფთავება, ნარჩენების გატანა, ასევე დასასუფთავებელ ტერიტორიაზე არსებული სხვადასხვა გასართობი და სპორტული ადგილების დასუფთავება სპეციალური საწმენდი საშუალებებით) უნდა დასუფთავდეს ყოველდღიურად;
- **სველი წერტილების დალაგება** (უნიტაზების, ონკანების, სველი წერტილების ინვენტარების, სანტექნიკური მასალების მოწმენდა, გახეხვა, გაწმენდა სპეციალური საწმენდი საშუალებებით) უნდა მოხდეს 2-ჯერ დღეში, დილით და საღამოს;
- **ფანჯრების და ვიტრაჟების წმენდა** უნდა მოხდეს (შიდა მხარე - საჭიროებისამებრ, გარე მხარე თვეში ერთჯერ სპეციალური საწმენდი საშუალებებით);
- მიმწოდებელმა ყოველდღიურად უნდა უზრუნველყოს 3 მორიგე დამლაგებლის მომსახურება 10:00სთ-დან 20:00 სთ-მდე.
- მიმწოდებელმა ასევე უნდა განახორციელოს ბანაკის სრული ფართის, და აღნიშნულ ფართზე არსებული შენობა ნაგებობების **დეზინფექცია-დეზინსექცია-დერატიზაციის** (ქვეწარმავლების, მწერების, მღრღნელების და სხვა მავნებლებისაგან) თვეში ერთხელ.
- მიმწოდებელმა უნდა უზრუნველყოს ნარჩენების გატანა ყოველდღიურად მომსახურების გაწევის სრულ პერიოდში სპეციალურად გამოყოფილ ნაგავსაყრელზე.

2. შესყიდვის ობიექტის მიწოდების ფორმა და ვადები

2.1 მომსახურება უნდა განხორციელდეს 2012 წლის 20 მაისიდან 2012 წლის 1 ნოემბრის ჩათვლით.

2.2 მომსახურების გაწევის ადგილია - ქ. ანაკლია პატრიოტთა ბანაკი.

2.3 პრეტენდენტმა უნდა წარმოადგინოს სატენდერო წინადადება ტექნიკურ დავალებაში მითითებული დასუფთავების და სანიტარული ღონისძიების მომსახურების ტექნიკური მახასიათებლების შესაბამისად;

2.4 პრეტენდენტმა უნდა უზრუნველყოს დანართი №1 გათვალისწინებული ფორმის მიხედვით რეკვიზიტების წარმოდგენა.

2.5 სახელმწიფო შესყიდვების ერთიან ელექტრონულ სისტემაში ატვირთული დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

2.6 პრეტენდენტი ვალდებულია დანართი 1-ში დააფიქსიროს ერთი თვის მომსახურების ღირებულება (რომელიც შესაძლოა დაზუსტდეს ელექტრონული ვაჭრობის შედეგად დაფიქსირებული საბოლოო ფასის ცვლილების შემთხვევაში).

პრეტენდენტის მიერ წინამდებარე ტექნიკურ დავალებაში მოცემული 1 და მე-2 პუნქტების ჩათვლით გათვალისწინებული შესაბამისი ინფორმაცია სრულად უნდა იქნეს ატვირთული ერთიან ელექტრონულ სისტემაში (შესაბამისი პირობებით და წესით).

შესყიდვის საგარაუდო ღირებულება: 26500 ლარი.

3. ინფორმაცია ტენდერში მონაწილეობის მსურველთათვის

3.1 სატენდერო წინადადების ფასის წარმოდგენა დასაშვებია მხოლოდ ეროვნულ ვალუტაში -ლარი;

3.2 დაფინანსების წყარო - სახელმწიფო ბიუჯეტი;

3.3. პრეტენდენტს არა აქვს უფლება წარმოადგინოს ალტერნატიული სატენდერო წინადადება;

3.4. წინასწარი საავანსო ანგარიშსწორება არ გამოიყენება;

3.5 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადისა და საჭირო მასალის (ტექნიკური საშუალებების) გათვალისწინებით.

3.6 ანგარიშსწორება მოხდება უნაღდო ანგარიშწორებით ლარში.

3.7 ანგარიშსწორება მოხდება ეტაპობრივად (ყოველთვიურად), გაწეული მომსახურების შესაბამისად მიღება-ჩაბარების აქტის გაფორმებიდან 15 (თხუთმეტი) დღის ვადაში.

3.8 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი ინდა იქნას ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე;

3.9. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართი N2-ში. დანართი N2-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამისი დილაკზე დაჭერით.

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი ვაჟა-ფშაველას გამზ. №76ბ, პირველი სართული საკონტაქტო პირისაგან:

ზაზა დვალიშვილი. ტელ: 577 13 17 47 ელ-ფოსტა: zazadvalishvili@mail.ru

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშსწორების ანგარიში:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი კანონმდებლობით დადგენილი ყველა გადასახადის გათვალისწინებით:
3. ერთი თვის მომსახურების ფასი:
4. სატენდერო წინადადების მოქმედების ვადა:

პრეტენდენტის მიერ წარდგენილი წინადადება ძალაშია “გამარტივებული შესყიდვის, გამარტივებული ელექტრონული ტენდერის და ელექტრონული ტენდერის ჩატარების წესის შესახებ” სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-2 მუხლის პირველი პუნქტის „ჟ“, „რ“ ან „ტ“ ქვეპუნქტით გათვალისწინებული ეტაპის დადგომამდე.

პრეტენდენტის ხელმოწერა_____

და ბეჭედი

მუხლი 1. გამოყენებული ტერმინების განმარტებები

1.1 „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) – ნიშნავს შემსყიდველსა და მიმწოდებელს შორის დადებულ ხელშეკრულებას, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ჯამური ღირებულება“ ნიშნავს წინამდებარე ხელშეკრულების მე-4 მუხლის 4.1 პუნქტში მითითებულ თანხას, რომელიც შემსყიდველმა უნდა გადაიხადოს მიმწოდებლის მიერ ხელშეკრულებით ნაკისრი ვალდებულების სრული და ზედმიწევნით შესრულებისათვის.

1.3 „შემსყიდველი“ ნიშნავს „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ ქვეპუნქტით განსაზღვრული სახსრებით შესყიდვის განმახორციელებელ პირს.

1.4 „მიმწოდებელი“ ნიშნავს პირს, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ.

მუხლი 2. ხელშეკრულების საგანი

2.1 წინამდებარე ხელშეკრულების საგანია შემსყიდველის მიერ მიმწოდებლისაგან ხელშეკრულების ფასის ფარგლებში (საბიუჯეტო დაფინანსება) დასუფთავება და სანიტარული ღონისძიებების (CPV90900000) კერძოდ: ----- შესყიდვა წინამდებარე ხელშეკრულების დანართი №1-ში მითითებული ტექნიკური მახასიათებლების შესაბამისად.

2.3 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

მუხლი 3. მომსახურების გაწევის ვადები და ადგილი

3.1 მომსახურების გაწევის ვადაა ხელშეკრულების დადებიდან ----- 2012 წლის 1 ნოემბამდე.

3.2 მომსახურების გაწევის ადგილი—ქ. ანაკლია, „პატრიოტთა“ ბანაკის ტერიტორია.

მუხლი 4. ხელშეკრულების ჯამური ღირებულება

ხელშეკრულების ჯამური ღირებულება შეადგენს ----- (-----) ლარს დღგ-ს ჩათვლით.

მუხლი 5. ანგარიშსწორების ფორმა, გრაფიკი (გადები) და ადგილი

5.1 ანგარიშსწორება მოხდება ეტაპობრივად, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად, ფაქტიურად გაწეული მომსახურების შესაბამისად, მიღება-ჩაბარების აქტის გაფორმებიდან 15 დღის ვადაში, წარმოდგენილი ანგარიშ-ფაქტურის საფუძველზე;

5.2 ანგარიშსწორების ვალუტა – ლარი;

5.3 ანგარიშსწორების ადგილი - თბილისი;

5.4 ანგარიშსწორების ფორმა – უნაღდო.

5.5 ფასების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევებში.

მუხლი 6. მხარეთა პასუხისმგებლობა

6.1 ერთ-ერთი მხარის მიერ ნაკისრი ვალდებულების შეუსრულებლობის ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოში მოქმედი კანონმდებლობით დადგენილი წესით.

6.2 მიმწოდებელი პასუხს აგებს მისთვის დაკისრებული ვალდებულებების სათანადო შესრულებისათვის და ვალდებულია აანაზღაუროს მისი ქმედებით დამდგარი ყველა სახის ზიანი.

6.3 მიმწოდებლის მიერ მისი ვალდებულებების შეუსრულებლობის ან არასათანადო შესრულების შემთხვევაში მას ეკისრება პირგასამტეხლო შეუსრულებელი ვალდებულების ღირებულების 0,1% ოდენობით ყოველ ვადაგადაცილებულ დღეზე.

მუხლი 7. ხარისხი

მიმწოდებელი პასუხს აგებს მიწოდებული გაწეული მომსახურების ხარისხზე.

მუხლი 8. ხელშეკრულების პირობებთან შესაბამისობის დადგენა

8.1 შემსყიდველი უფლებამოსილია განახორციელოს კონტროლი და ნაკლის აღმოჩენის შემთხვევაში წარუდგინოს მიმწოდებელს დასაბუთებული პრეტენზია, რის შემდეგ მიმწოდებელი ვალდებულია 5 დღის განმავლობაში გამოასწოროს წუნდებულად გაწეული მომსახურების, ან ამავე ვადებში დაუბრუნოს შემსყიდველს აღნიშნული გაწეული მომსახურების ღირებულება.

8.2 შემსყიდველის მხრიდან ხელშეკრულების პირობებთან შესაბამისობის დადგენას და მიღება-ჩაბარების აქტის გაფორმებას განაზოცრელებს სსიპ „ბავშვთა და ახალგაზრდობის ეროვნული ცენტრის“ -----.

მუხლი 9. საქონლის მიღება-ჩაბარების წესი

9.1 გაწეული მომსახურების მიღება დასტურდება შემსყიდველს და მიმწოდებელს შორის მიღება-ჩაბარების აქტის გაფორმებით;

9.2 შემსყიდველი უფლებამოსილია განაცხადოს უარი დაგვიანებით ან უხარისხოდ (წუნდებული) გაწეულ მომსახურებაზე. ასეთ შემთხვევაში შემსყიდველი თავისუფლდება ხელშეკრულების ფასის გადახდის ვალდებულებისაგან.

მუხლი 10. მხარეთა უფლება-ვალდებულებები

10.1 მიმწოდებელი ვალდებულია:

- ა) გაუწიოს შემსყიდველს ხელშეკრულებით გათვალისწინებული მომსახურება;
- ბ) განიხილოს შემსყიდველის პრეტენზიები და მიაწოდოს მოტივირებული პასუხი ნებისმიერ სადაო საკითხებზე.

10.2 შემსყიდველი ვალდებულია:

- ა) დროულად აცნობოს მიმწოდებელს გაწეულ მომსახურებასთან დაკავშირებული ხარვეზების შესახებ;
- ბ) გადაიხადოს ხელშეკრულების ღირებულება.

მუხლი 11. ფორს-მაჟორი

11.1 წინამდებარე ხელშეკრულებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მიმწოდებელისა და/ან შემსყიდველის შეცდომებსა და დაუდევრობასთან. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

11.2 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

11.3 ფორს-მაჟორული სიტუაციის 10 დღეზე მეტი ხნით გაგრძელების შემთხვევაში მხარეები უფლებამოსილნი არიან ცალმხრივად შეწყვიტონ ხელშეკრულება, რაც დაუყოვნებლივ უნდა ეცნობოს მეორე მხარეს.

მუხლი 12. ხელშეკრულების დადების საფუძველი

ხელშეკრულების დადების საფუძველი არის „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „რ“ ქვეპუნქტი.

მუხლი 13. ხელშეკრულების მოქმედების ვადა.

წინამდებარე ხელშეკრულება ძალაში შედის 2012 წლის ----- და და მოქმედებს მხარეთა მიერ ამ ხელშეკრულებიდან წარმოშობილ ვალდებულებების სრულად შესრულებამდე, მაგრამ არაუმეტეს 2012 წლის -- ----- ჩათვლით.

მუხლი 14. სხვა პირობები

14.1 მხარეთა შორის სადაო საკითხები წყდება ურთიერთმოლაპარაკების გზით. შეთანხმების მიუღწევლობის შემთხვევაში მხარეები უფლებამოსილნი არიან მიმართონ საქართველოს სასამართლოს.

14.2 ხელშეკრულებაში დამატებების და/ან ცვლილებების შეტანა შესაძლებელია მხოლოდ წერილობითი ფორმით, მხარეთა ან მათი უფლებამოსილი წარმომადგენლების მიერ ხელმოწერით.

14.3 მხარეები უფლებამოსილნი არიან მოშალონ წინამდებარე ხელშეკრულება ცალმხრივად, თუ მეორე მხარე ვერ უზრუნველყოფს ნაკისრი ვალდებულებების ჯეროვან შესრულებას ან საქართველოს კანონმდებლობით გათვალისწინებულ სხვა შემთხვევებში.

14.4 ხელშეკრულება შედგენილია ქართულ ენაზე ორ ეგზემპლარად და თითოეულს გააჩნია თანაბარი იურიდიული ძალა.

შემსყიდველი:

სსიპ „ბავშვთა და ახალგაზრდობის ეროვნული ცენტრი“

მიმწოდებელი:

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.